



Inatsisartut suleriaasiat § 37 malillugu, immikkoortoq 1 naapertorlugu matumuuna Naalakkersuisunut apeqquut imaattoq saqqummiuppara:

Naalakkersuisunut apeqquut:

1. Kalaallit Nunatsinni ilagiit kiffartuunneqarnerat pilerinarnerusunngorniarlugu pitsaanerulersinniarlugulu Naalakkersuisut qanoq iliuuseqarpa ?
2. Sooq-una ilagiit sinniisaasa ataatsimiinnersiutaat aatsaat ataatsimiinnermi imaqarniliap akuerineqareerneqarneratigut aatsaat tunniunneqarsinnaasut ?
3. Sooq-una ilagiit sinniisaasa ukiumut taamaallaat sisamariaannarlutik ataatsimiinneri kisimik akilerneqartartut ?
4. Ilagiit sinniisaasa ataatsimiinnersiutaasa allanngortinneqarnissaat Naalakkersuisunit pilersaarutigineqarpaa ? akissut akuersaarneqarpat, qanoq ? akuersaarneqanngippallu sooq ?
5. Palasit ilinniarsimasut ilaat sooq atorfinitsikkumaneqanngillat ?
6. Ataatsimiititaliap "provsteudvalg"-imik taaneqartartut atuutilerseqqinneqarsinnaanera Naalakkersuisut qanoq isumaqarfigaat ?
7. Sooq-una oqaluffinni pattattussanik ilinniartitsinnermi nuutersorsinnaaneq piumasaqaataasoq ?
8. Sooq-una ajoqit oqaluffimmi pattattuujutigisinnaanngitsut ?
9. Ajoqissanik ilinniartitsinnermut atatillugu, ajoqissat piumasut pattattutut ilinniartinneqarsinnaanerat periarfissaasinnaavaa ?
10. Aningaasat ilagiit sinniisaannit qinnutigineqarsinnaasut (diagonimidler)-nik taaneqartartut qaqugukkut ilagiit sinniisaannit qinnutigineqarsinnaappat ? aamma sunut atorneqarsinnaasutut qinnutigineqarsinnaappat ?
11. Ilagiit sinniisaasa 2017-imi isumasioqatigiisinneqarnissaat qaqugu pissasoq Naalakkersuisut naatsorsuutigaat ?
12. Biskop-imik, provst-inillu toqqaasernerit pillugit aaliangersakkanik allannguisinnaanermik Naalakkersuisut takorluuisinnaappat ?

13. Ullaakkut knr-ikkut bibilimik atuaalluni eqqarsaatissiisarnerit siusinnerusukkutuut atuutilerseqqinneqarnissaat Naalakkersuisut qanoq isumaqarfigaat ?

14. Knr-ikkut inatsisartut toqqaannartumik ataatsimiittarnerisa aallakaateqqinneqatalernissaat Naalakkersuisunit sulissutigineqarpaa ?

(Inatsisartunut ilaasortaq, Anthon Frederiksen, Partii Naleraq)

Tunngavilersuut:

Ajoraluartumik ilagiinni sullissineq ataatsimut isigalugu ukiuni kingullerni naammaginangitsutut pitsaanerpaajunngitsutullu nalilertariaqarsorinarpoq. Naak ilagiinni sullissisut tamarmik sapinngisannguarterik tamaat atorlugu ilungersoraluartut.

Tassani takuneqarsinnaavoq ilagiit sinniisaannut qinigaasartut aaqqissuunneqarnerat ataatsimiinnersiuteqarnerallu ullutsinnut naleqqukkunnaarsimammat.

Palasissaaleqineq, ajoqissaaleqineq oqaluffinnilu pattattussaaleqisarnerit sumiiffinni assigiinngitsunik ajoraluartumik ataavartumik ajornartorsiutaajualersimapput, ilaatigut allaat illoqarfinni anginerni pattattunik amingaateqarneq pissutigalugu nipaannarmik naalagiarnerit ingerlanneqartalerput. Pissutsit taama iliartornerat akuersaaruminaappoq, tamaammallu naalakkersuinikkut iliuuseqarnissaq allannguissarlu pisariaqarluinnarput.

Taamaammata apequtit qulaani taaneqartut sukumiisumik akineqarnissaat piumasaraara.

Naluneqanngilaq knr-ikkut aallakaatinneqartartut ullaakkut eqqarsaatissiisarnernut tunngasut aamma inatsisartut ataatsimiinnerisa toqqaannartumik aallakaatinneqartarnerisa allanngortinneqarnerat innuttaasunit assut ajorineqartut, taamaattumik taakku atuutilerseqqinneqarnissaat pillugu politik-kikkut iliuuseqartoqarnissaa nutaamillu aaliangiisoqarnissaa pisariaqarmat. .

Ullut suliffiit qulit qaangiutinnginnerani akineqarnissara kissaatingaara.